

Педагогикалық кеңестің хаттамалары

№1 хаттама Жаңа оқу жылы

Өткізілген орны: ЖШС "Ақбастау" бөбекжай бала-бақшасы

Өткізілген күні: 29.08.2024 жыл.

Педкеңес мүшелерінің барлығы: 8 адам

Қатысқаны: 8 адам

Қатыспағандар саны: жоқ

Қатысқандар: Бөбекжай меңгерушісі С.Байымбетов, әдіскер, медбике, шаруа меңгерушісі және балабақша тәрбиешілері және тәрбиеші көмекшілері

Педкеңестің басталуы: 13.10.

Жұмыстың аяқталуы: 14.50.

Күн тәртібінде қаралатын мәселелер:

1. Алдыңғы өткен педагогикалық кеңестің шешімдерін орындау.
 2. Жазғы сауықтыру нәтижелері.
 3. 2024- 2025 оқу жылына арналған жылдық жұмыс жоспарын қарастыру және қабылдау:
 - мектепке дейінгі ұйымды дамытудың негізгі басымдықтарын талқылау;
 - «Біртұтас тәрбие» бағдарламасын жүзеге асыруды ұйымдастыру;
 - педагогикалық қызметкерлерді аттестаттау: жаңа тәртіп пен біліктілік санаттары;
 - балалардың кешенді қауіпсіздігі стратегиясы, педагогтер мен ата-аналар нені білуі керек?
 4. Бекіту:
 - вариативті, жеке, бейімделген даму бағдарламалары, ұйымдастырылған іс-әрекет кестесі, күн тәртібі;
 - педагогтердің перспективалық жоспарларын қарастыру және қабылдау;
 - 2024-2025 оқу жылына педагог қызметкерлердің өз білімін жетілдіру жоспарлары;
 - жаңа оқу жылына педагогикалық кеңестің төрағасын, хатшысын таңдау;
 - аттестаттау комиссиясының мүшелерін таңдау;
 5. Ата-аналармен (заңды өкілдермен) жұмыс жоспарын қарастыру және қабылдау.
- Қаулылармен таныстыру 15 минут. Жарыссөзге шығу 15 минут. Анықтама беру 15 минут.
- Жалпы уақыт: 1 сағат 40 минутта кеңес отырысын аяқтау

Сөйледі: Педагогикалық кеңесті бөбекжай меңгерушісі С.Байымбетов ашып беріп, педагогикалық қызметкерлерді жаңа оқу жылының басталуымен құттықтады. Күн тәртібіндегі бірінші мәселе өткен педкеңес шешімдерінің орындалуы туралы ақпарат беріп, шешімдері орындалғанын айтты. Күн тәртібінде қаралатын мәселелермен таныстырды.

Тыңдалды: Күн тәртібіндегі қаралатын екінші мәселе бойынша бөбекжайдың әдіскері А.Сатыбалды сөйлеп, Жазғы сауықтыру нәтижелері туралы айтты. Жаз мезгіліне арналған жұмыс жоспары, ойын – сауық жоспарлары және күнделікті ұйымдастырылған іс – әрекеттер талапқа сай

жүргізілгенін айтып өтті Сонымен қатар әр түрлі жаздық ойын- сауықтардың балаларға көтеріңкі көңіл – күй сыйлап, балалардың балабақшаға қуана келгендерін айтты.

Жарыссөзге шыққандар: балабақша медбикесі У.Бегимбаева сөйлеп, балалардың денсаулықтарын шыңдау мақсатында Шынықтыру жүйесіне сәйкес әзірленген күні бойы шынығу, дозаланған күн ванналары, суға шомылу, сумен шайыну, аяқты шаю, массаж жолдарымен жаяу жүру, өзіне массаж жасау, ауа ванналары, терезені ашып қойып ұйықтау, ауызды және тамақты шаю, ауыз-су ішу режимі, тыныс алу жаттығулары және т.б. шынықтыру шаралары жүргізілгені туралы айтты.

Тыңдалды: Күн тәртібінде қаралатын үшінші мәселе бойынша бөбекжайдың меңгерушісі С.Байымбетов сөйлеп, бөбекжайдың 2023-2024 оқу жылына арналған жұмыс жоспарымен таныстырды. Жылдық жоспардың мақсат, міндеттерімен және атқарылатын оқу тәрбие жұмыстарының мазмұнымен, ашық оқу қызметтерінің, ертеңгіліктердің, баяндама, кеңестер, шебер сыныптардың тақырыптарымен таныстырып, айтып өтті. Биылғы оқу жылында жаңа стандартпен оқу қызметтерін өткізуге әдістемелік көмек ретінде шебер сыныптар тақырыптары қосылғанын айтты. Педагогтар танысып болған соң, бірауыздан бекітуге ұсыныс айтты. Сонымен қатар мектепке дейінгі ұйымды дамытудың негізгі басымдықтары, «Біртұтас тәрбие» бағдарламасын жүзеге асыруды ұйымдастыру, педагогикалық қызметкерлерді аттестаттау, жаңа тәртіп пен біліктілік санаттары, балалардың кешенді қауіпсіздігі стратегиясы, педагогтер мен ата-аналар нені білуі керек сияқты мәселер қаралып, жүзеге асыру жолдары туралы талқыланды.

Тыңдалды: Күн тәртібіндегі төртінші мәселе бойынша әдіскер А.Сатыбалды сөйлеп, вариативті, жеке, бейімделген даму бағдарламалары, ұйымдастырылған іс-әрекет кестесі, күн тәртібі, педагогтердің перспективалық жоспарлары, 2024-2025 оқу жылына педагог қызметкерлердің өз білімін жетілдіру жоспарлары, жаңа оқу жылына педагогикалық кеңестің төрағасын, хатшысын таңдау, аттестаттау комиссиясының мүшелерін таңдау туралы айтып, таныстырды. Жаңа оқу жылында барлық педагогтардың біліктілік санаттары мерзімдері жаңа болғандықтан, ешқандай өтініш түспегенін айтты.

Жарыссөзге шыққандар: тәрбиеші Г.Мұхамбек сөйлеп, педагогикалық кеңестің төрайымына меңгерушісі С.Байымбетов хатшылыққа әдіскер А.Сатыбалды ұсынды. Бұл ұсынысты педагогтар түгел қолдады.

Тыңдалды: Күн тәртібінде қаралатын бесінші мәселе бойынша бөбекжайдың меңгерушісі С.Байымбетов сөйлеп, ата-аналармен жүргізілетін жұмыс жоспарымен таныстырды. Жылдағыдай жоспар бойынша ата-аналар жиналыстары, дөңгелек үстелдер, пікір алмасулар, ашық есік күндері және бірлескен іс – шаралар өткізілетінін айтып, биылғы оқу жылындағы басымдық балабақша жанында «Әжелер мектебін», «Аналар мектебін», «Әкелер мектебін» ұйымдастыру қажеттігі туралы сөйледі. Бұл жұмыстардың жүргізілуінің Мектепке дейінгі білім беру сапасын арттыруға, отбасы мен МДҰ-ның тығыз ынтымақтастығының маңызы зор деді.

Педагогикалық кеңестің шешімі:

1. Алдыңғы өткен педагогикалық кеңестің шешімдерін орындалуы жақсы деп қабылдансын
2. Медбикенің жазғы-сауықтыру кезеңіндегі жұмысы бойынша есебі қанағаттанарлық деп есептелсін.
3. 2024- 2025 оқу жылына арналған жылдық жұмыс жоспары мен жылдық міндеттері бекітілсін.
 - а) Мектепке дейінгі ұйымды дамытудың негізгі басымдықтары жүзеге асырылсын
 - б) «Біртұтас тәрбие» бағдарламасын жүзеге асыруды ұйымдастыру үшін жоспар құрылып, бекітілсін.
 - в) Балалардың кешенді қауіпсіздігі туралы іс – шаралар жоспары бекітілсін.
4. Бейімделген даму бағдарламалары, ұйымдастырылған іс-әрекет кестесі, күн тәртібі, педагогтердің перспективалық жоспарлары, 2024-2025 оқу жылына педагог қызметкерлердің өз білімін жетілдіру жоспарлары, жаңа оқу жылына педагогикалық кеңестің төрағасы менгерушісі Г.Мамутова, хатшысы А.Ордабай болып бекітілсін.
5. Ата-аналармен жүргізілетін жұмыс жоспары және балабақша жанынан «Әжелер мектебі», «Аналар мектебі», «Әкелер мектебі» құрылып, мүшелері бекітілсін.

Педагогикалық кеңес төрайымы:

Хатшы:



С.Байымбетов

А.Сатыбалды

Педагогикалық кеңестің хаттамалары

№2 хаттама

Өткізілген орны: ЖШС "Ақбастау" бөбекжай бала-бақшасы

Өткізілген күні: 27.12. 2024 жыл.

Педкеңес мүшелерінің барлығы: 8 адам

Қатысқаны: 8 адам

Қатыспағандар саны: жоқ

Қатысқандар: Бөбекжай меңгерушісі С.Байымбетов, әдіскер, медбике, шаруа меңгерушісі және балабақша тәрбиешілері және тәрбиеші көмекшілері

Педкеңестің басталуы: 13.20.

Жұмыстың аяқталуы: 14.40.

Күн тәртібінде қаралатын мәселе:

1. № 1-педагогикалық кеңестің шешімдерін орындау.
2. Тақырыптық бақылаудың нәтижелері: STEM технологиясын баланың дамуындағы инновациялық тәсіл ретінде енгізудің тиімділігі.
3. «Педагог жәрмеңкесі» жұмыс тәжірибесінің өз-өзін таныстыру (біліктілік санатын жоғарылатуға үміткер педагогтер).
4. Жол-көлік жаракаттарының профилактикалық жұмыс жоспарын қарастыру және қабылдау.
5. Педагогикалық кеңес шешімінің жобасы

Тыңдалды: Педкеңесті бөбекжай меңгерушісі С.Байымбетов ашып беріп, күн тәртібінде қаралатын мәселелермен таныстырды.

Сөйледі: Бөбекжайдың әдіскері Ш.Исабек күн тәртібіндегі бірінші мәселе өткен педкеңес шешімдерінің орындалуы туралы ақпарат беріп, шешімдері орындалғанын айтты.

Сөйледі: Күн тәртібіндегі екінші мәселе бойынша бөбекжай әдіскері Ш.Исабек сөйлеп, Тақырыптық бақылаудың нәтижелері: STEM технологиясын баланың дамуындағы инновациялық тәсіл ретінде енгізудің тиімділігі жайлы айтты. Сарапшылардың пікірінше, мектепке дейінгі ұйымда LEGO құрастырудың көмегімен балалар робототехниканың алғашқы дағдыларын меңгере бастаған кезден, яғни STEAM-білім беру мектепке дейінгі ерте жастан басталуы керек. STEM-білім беру жаратылыстану ғылымдары мен инженерлік пәндерді біріктіретін интеграцияланған модельді білдіреді. Bilimkids платформасында STEM-білім беру деген не? Ең алдымен, бұл білім беру процесін жобалар түрінде ұйымдастырудан тұрады, онда балалар тапсырмаларды шешу үшін топтарда жұмыс істейді. STEM-білім берудің өзектілігінің себебі неде? Сарапшылардың пікірінше, STEM тәсілінің бірқатар маңызды артықшылықтары бар. Интегративті тәсіл – пәндер бір-бірінен оқшауланбай, тығыз байланыста зерттелуін білдіреді. STEM технологиясын ұйымдастырылған іс – әрекеттерде қолданудағы тақырыптық бақылау нәтижелері туралы айтты.

Жарыссөзге шыққандар: тәрбиеші Г.Еримбетова сөйлеп, STEM технологиясын өз тәжірибесінде қалай қолданып жүрген әдіс – тәсілдерімен бөлісті.

Педагогикалық кеңестің хаттамалары

№3 хаттама

Өткізілген орны: ЖШС "Ақбастау" бөбекжай балабақшасы"

Өткізілген күні: 31.03. 2025 жыл.

Педкеңес мүшелерінің барлығы: 7 адам

Қатысқаны: 1 адам

Қатыспағандар саны: 1 Себепті: 1 Себепсізі: жоқ

Қатысқандар: Бөбекжай меңгерушісі С.Байымбетов, әдіскер, медбике, шаруа меңгерушісі және балабақша тәрбиешілері және тәрбиеші көмекшілері

Педкеңестің басталуы: 13.20.

Жұмыстың аяқталуы: 14.50.

Күн тәртібінде қаралатын мәселе:

Әлеуметтік, шығармашылық, құзыреттілікті дамыту

1. Өткен педагогикалық кеңестің шешіміне есеп

2. **Дөңгелек үстел.** «Вариативтік оқыту арқылы мектепке дейінгі тәрбиелеу мен оқытудың әдістемелері мен жаңаша технология тәсілдерін қолдану»

3. **Шығармашылық тақырып:**

«Ұлттық тағамдар»

4" Оқу - тәрбие жұмыстарының өткізілу барысы туралы

5. Дидактикалық ойындар картотекаларының көрмесі тақырыптық тексеру қорытынды

Регламент: Дөңгелек үстел 20 минут. Жарыссөзге шығу 15 минут. Шебер сыныпқа 15 минут. Анықтама беру 10 минут. Тренинг 10 минут

Жалпы уақыт: 1 сағат 10 минутта кеңес отырысын аяқтау

Сөйледі: Педкеңесті бөбекжай меңгерушісі С.Байымбетов ашып беріп, күн тәртібінде қаралатын мәселелермен таныстырды.

Тыңдалды: күн тәртібіндегі бірінші мәселе бойынша бөбекжайдың әдіскері Ш.Исабек сөйлеп, өткен педкеңес шешімдерінің орындалуы туралы ақпарат беріп, шешімдері орындалғанын айтты.

Сөйледі: Күн тәртібіндегі екінші мәселе бойынша әдіскер Ш.Исабек сөйлеп, «Вариативтік оқыту арқылы мектепке дейінгі тәрбиелеу мен оқытудың әдістемелері мен жаңаша технология тәсілдерін қолдану» тақырыбында бір – бірімізбен пікір алмасып, дөңгелек үстел өткізілетінін айтты. Вариативтік бөлімге берілген сағаттарда балалардың қызығушылығына, қабілетіне қарай әр- түрлі бағытта топтық және жеке жұмыстар жүргізудің тиімді екенін айтып өтті.

Жарыссөзге шыққандар: тәрбиешілер Б.Коспакова сөйлеп, вариативтік бөлімде ұлттық құндылықтарды дамытуға көп тоқталып жүргендерін айтып, ұлттық зергерлік бұйымдар мен тәрбиесі зор нақыл сөздер тақырыптары балалардың халықтық педагогикасы деген қызығушылықтарын оятып жүр деді.

Тәрбиешілер ұлттық ойындарды заманауи тәсілдермен жаңғыртып, түрлендіріп өткізіп, вариативтік бөлімде ойындар ойнатудың балаларды ойната отырып дамытуға көп пайдасы болып жатқаны туралы пікір алмасты. Дөңгелек үстелді қорытындылай келе жас ерекшеліктеріне сай вариативтік бөлімде ұлттық құндылығымызды іс – әрекеттерге көбірек қолдануға қорытындылады.

Сөйледі: Күн тәртібіндегі үшінші мәселе бойынша бөбекжай тәрбиешісі Г.Мұхамбек «Ұлттық тағамдар» әдістемесін ұйымдастырылған іс – әрекетке қолдану атты шығармашылық тақырыбы бойынша шебер сынып өтті. Қазақ халқының ұлттық тағамдарымен балаларды таныстырып, қабылдау, ойлау қабілеттерін, зейінін дамытуға болатынын айтты. Ұйымдастырылған оқу қызметінде түрлі – түсті құрттарды санауға, түстерін ажырата білуге үйретсек, мүсіндеуде қол моторикасын дамытамыз деді. Ұлттық тағамдарын жасалу жолдарын педагогтарға көрсетті.

Жарыссөзге шыққандар: тәрбиеші Г.Еримбетова шығармашылық тақырыбының құрттарды түрлі түске боялуы балалардың қызығушылығын оятатынын айтып, оқу қызметтеріне қолдансақ деген ойын айтты. Бұл ұсынысты педагогтар түгел қолдады. Әдіскер А.Сатыбалды шебер сыныпта айтылған мәселелер тәрбиешілерге жақсы көмек болғанын айта келе, тәрбиешінің ізденісіне оң баға берді.

Сөйледі: Күн тәртібіндегі төртінші мәселе оқу - тәрбие жұмыстарының өткізілу барысы туралы бөбекжайдың әдіскері Ш.Исабек сөйледі. Ұйымдастырылған іс - әрекеттері мен тәрбиелік іс-шаралардың барысын бақылау туралы айтты. Бақылау педагогикалық кателіктердің алдын алу және кемшіліктерді жою үшін жүргізілетінін айта келе, күнделікті ұйымдастырылған іс - әрекеттерінің өткізілуін бақылап жүргенін айтты. Оқу қызметтері оқу қызметтерінің кестесіне сай барлық топта өткізілуде. Алайда кейбір тәрбиешілердің оқу қызметіне дайындығы төмен болған жағдайлар кездеседі. Ол тәрбиешіге сол уақытта ұсыныс, ескерту айтылады деп, оқу қызметтерінің өткізілу барысы туралы айтты.

Сөйледі: Күн тәртібіндегі бесінші мәселе бойынша меңгеруші С.Байымбетов сөйлеп, дидактикалық ойындар картотекаларының көрмесі тақырыптық тексеру қорытындысы туралы айтты. Дидактикалық ойындар жиынтығының картотекасын әр топ тәрбиешілері жас ерекшеліктеріне сай дайындағанын және ойын шарттары нөмірленіп, қолданылатын құрал – жабдықтары папкаларға салынып ұқыптылықпен дайындалғанын айтты. Мектепке дейінгі ұйымдардағы жүргілетін оқу- тәрбие жұмыстарында ойын әдісінің маңыздылығын айта келе, картотекаларға оң баға берді. Кейбір ойын құралдарының толық еместігіне толықтыруға ұсыныс айтты.

Жарыссөзге шыққандар: әдіскер Ш.Исабек сөйлеп, көрмеге қойылған дидактикалық ойындарға жақсы деген баға беріп, әлі де толықтыруды және жаңаша ойындар қосуды айтты.

Педагогикалық кеңестің шешімі:

1. Өткен №3 педагогикалық кеңес шешімінің орындалуы жақсы деп бағалансын.
2. Вариативтік оқыту арқылы мектепке дейінгі тәрбиелеу мен оқытудың әдістемелері мен жаңаша технология тәсілдері ұйымдастырылған іс – әрекеттерге қолданылсын.
3. «Ұлттық тағамдар» шығармашылық тақырыбы бойынша жұмыстар жалғастырылсын.
4. Оқу - тәрбие жұмыстарының өткізілу барысы жақсы деп бағалансын.
5. Дидактикалық ойындар картотекаларының көрмесі тақырыптық тексеру қорытындысы жақсы деп бағалансын.

Педагогикалық кеңес төрайымы:
Хатшы:



С.Байымбетов
Ш.Исабек

Педагогикалық кеңестің хаттамалары

№4 хаттама

Өткізілген орны: ЖШС "Ақбастау" бөбекжай бала-бақшасы"

Өткізілген күні: 29.05. 2025 жыл.

Педкеңес мүшелерінің барлығы: 8 адам

Қатысқаны: 8 адам

Қатыспағандар саны: жоқ Себепті: Себепсізі:

Қатысқандар: Бөбекжай меңгерушісі С.Байымбетов, әдіскер, медбике, шаруа меңгерушісі және балабақша тәрбиешілері және тәрбиеші көмекшілері

Педкеңестің басталуы: 13.20.

Жұмыстың аяқталуы: 14.50.

Күн тәртібінде қаралатын мәселелер:

- 1.Өткен педагогикалық кеңестің шешіміне есеп
- 2.2024 - 2025 оқу жылының қорытындысы
3. Балалардың негізгі құзіреттілігін қамтамасыз ету мониторинг қорытындысы
- 4.Педагогтардың біліктілік санатына өтініш тастау туралы және Қазақстан Республикасының Оқу – Ағарту министрлігінің 2025 жылы педагогтарды аттестаттау рәсімін өткізу бойынша нұсқаулық хатпен таныстыру
- 5.Жазғы сауықтыру іс-шараларының жоспарын талдау, бекіту

Сөйледі: Педагогикалық кеңесті бөбекжай меңгерушісі С.Байымбетов ашып, күн тәртібіндегі қаралатын мәселермен таныстырды.

Күн тәртібіндегі бірінші мәселе бойынша №4 педагогикалық кеңес шешімінің орындалуы туралы сөйлеп, қорытындылады.

Бөбекжайда оқыту және тәрбиелеу жұмыстары мектепке дейінгі тәрбие мен оқытудың үлгілік бағдарламасы бойынша жүргізіліп жатқанын айтып өтті.

Тыңдалды : күн тәртібіндегі екінші мәселе бойынша бөбекжай әдіскері Ш.Исабек сөйлеп, 2024-2025 оқу жылында жүргізілген оқу -тәрбие жұмыстарының қорытындысы туралы айтты.Оқу жылында педагог кадрлармен,балалармен жүргізілген жұмыстар жылдық жұмыс жоспары бойынша толық өткізілді.Педагогикалық кеңестер, әкімшілік кеңес, өндірістік жиналыс, жалпы ата – аналар жиналыстары өткізіліп, күн тәртібіндегі мәселелер қаралып, талқыланды. Оқу жылына алынған мақсаттар мен міндеттер бойынша педагогтар :баяндамалар,кеңестер оқып,тренингтер жүргізіп,ашық ұйымдастырылған іс - әрекеттер,қорытынды ұйымдастырылған іс - әрекеттер, ертеңгіліктер,ойын-сауықтар өткізіп жоспарға сай жұмыстар жүргізгенін айтып өтті. Күнделікті ұйымдастырылған іс - әрекеттер өткізіліп,білік – білім дағдыларының индикаторлары жасалынғанын және тәрбиешілер мен балалар аудандық, облыстық деңгейде өткізілген байқауларға, жетістіктерге жеткені жайлы қорытындылады..

Жарыссөзге шыққандар: бөбекжай меңгерушісі С.Байымбетов сөйлеп, биылғы 2024-2025 оқу жылындағы атқарылған жұмыстарға «жақсы» деген баға беріп ,педагогтарға шығармашылық ізденіс пен табыс тіледі.

Сөйледі : күн тәртібіндегі үшінші мәселе бойынша бөбекжай әдіскері А Ш.Исабек сөйлеп, үлгілік оқу бағдарламасын меңгеру бойынша балалардың

құзыреттілігін қамтамасыз ету, қорытынды мониторинг нәтижесі туралы сөйледі. Балалардың білімі, күнделікті оқу қызметтерінің өткізіліп отыруына, және талапқа сай жүргізілуіне байланысты жақсы көрсеткіштер көрсеткенін айта келе, күнделікті кіріктірілген ойын іс – әрекеттері жұмыстар жүргізілгенін айтты. Балалардың біліктілік деңгейлері индикаторлар жүйесі бойынша анықталып, аудандық адами әлеуетті дамыту бөлімінің жіберген сілтемесіне толтырылды. Бөбекжай бойынша үлгілік оқу бағдарламасын меңгеру деңгейі жоғары деңгей 52%, орта деңгей 35%, төмен деңгей 13% көрсеткіш болғанын айтып, әрі қарай да келесі оқу жылына да педагогтарға шығармалық ізденістерде болуды ұсынды.

Сөйледі : күн тәртібіндегі төртінші мәселе бойынша меңгеруші С.Байымбетов сөйлеп, педагогтардың қазіргі уақыттағы біліктілік санатын жоғарылатуы немесе растауы туралы сөйледі. Біліктілік санатына мерзімі жеткен тәрбиешілер бірінші электронды портфолиоға құжаттар жүктеу керектігін, екінші турында тест тапсыруға баратыны жайлы айтты. Электронды портфолио жүктеу және тест тапсыру уақыты аудандық адами әлеуетті дамыту бөлімі тарапынан хабарланатынын айтты.

Сөйледі : күн тәртібіндегі бесінші мәселе бойынша әдіскер С.Байымбетов сөйлеп, жаз мезгілінің күн тәртібімен, оқу қызметтерінің кестесі және ойын-сауық жоспарымен таныстырды. Жаз мезгілінде балалармен өткізілетін ойын – сауықтар жоғары деңгейде, қызықты, кейіпкерлер қатысу арқылы, түрлендірілген әр түрлі ойындар ойнатып, балаларды ойната отырып, дамыту қажеттігін айтты. Сонымен қатар шынықтыру шаралары бекітілген күн тәртібі бойынша, талапқа сай, әрі медбикенің нұсқаулығымен жүргізуді айтты. Педагогтар жаз мезгілінің сауықтыру іс-шараларының жоспарымен танысып, өз ойларымен бөлісті. Жаз мезгілінің жұмыс жоспары бекітілсін деген ұсынысты түгел қолдады.

Педагогикалық кеңестің шешімі:

1. №4 педагогикалық кеңестің шешімінің орындалуы «жақсы» деп бағалансын.
2. 2024- 2025 оқу жылында жүргізілген жұмыстар «жақсы» деп бағаланып, келесі жана оқу жылының міндеттері оқу жылының қорытындысы бойынша алынсын.
3. Білім беру дағдылары бойынша балалардың білімінің қорытындысы «жақсы» деп бағаланып, оқу - тәрбие жұмыстары жалғастырылсын.
4. Педагогтардың біліктілік санатына өтініштер беру үшін, электронды портфолиоға тіркеліп, құжаттары жүктелінсін.
5. Жазғы мезгілінің күн тәртібі, оқу қызметтерінің кестесі, ойын-сауық жоспарлары бекітілсін.

Педагогикалық кеңес төрайымы:
Хатшы:

Ш.Исабек



С.Байымбетов
Ш.Исабек